



Canllawiau ar gyfer ailagor Canolfannau Cymunedol yng Nghymru

RHAGAIR

Mae'r canllaw hwn ar gyfer canolfannau cymunedol yng Nghymru i roi trosolwg byr i chi o sut i baratoi ar gyfer ailgychwyn eich gwasanaethau pan fydd hynny'n cael ei ganiatáu a phan fydd yn ddiogel i wneud hynny.

Wrth ysgrifennu'r canllaw diwygiedig hwn, rydyn ni'n dod allan o gyfnod atal byr a oedd ar rym ledled Cymru rhwng 1800 dydd Gwener 23 Hydref ac 0001 dydd Llun 9 Tachwedd. Roedd y rheoliadau diwygiedig yn golygu bod yn rhaid i ganolfannau cymunedol gau oni bai eu bod yn darparu gwasanaethau gwirfoddol hanfodol neu'n darparu gwasanaethau ar gais Gweinidogion Cymru neu awdurdod lleol.

Gan fod gan ganolfannau cymunedol yr hawl i ailagor ar ddydd Llun 9 Tachwedd, diben y canllawiau diweddaraf hyn yw amlinellu'r newidiadau i'r rheoliadau a chynnig ffyrdd ymarferol o sicrhau bod eich canolfan a'i weithrediadau yn cydymffurfio.

Cofiwch, nid yw'r ffaith y gallwch chi ailagor eich canolfan gymuned yn golygu bod yn rhaid i chi wneud hynny.

DYMA'R PRIF NEWIDIADAU A GYFLWYNWYD O DDYDD LLUN 9 TACHWEDD 2020:

1. Gall hyd at 15 o bobl (os oes lle) gwrdd o dan do ar gyfer gweithgaredd a drefnwyd. Nid yw'r 15 o bobl yn cynnwys plant o dan 11 oed a phobl sy'n gweithio neu'n darparu'r gweithgaredd. Mae'n bwysig nodi yma bod yn rhaid i'r ardal fod â lle i 15 o bobl, gan ystyried y rheolau ar gyfer cadw pellter cymdeithasol sydd angen i chi eu rhoi ar waith. Er mai'r uchafswm yw 15, mae'n bosibl mai dim ond lle i 10 unigolyn sydd gennych, er enghraifft.
2. Caiff canolfannau cymunedol eu hystyried yn 'eiddo a reoleiddir' yn ôl y rheoliadau. Felly, mae'n ofyniad cyfreithiol i gymryd camau rhesymol i leihau'r cysylltiad â choronafeirws o fewn yr eiddo a reoleiddir. Dylech gyfarwyddo'ch hun â'r adran ddiwygiedig ar [FESURAU RHESYMOL](#) am ragor o wybodaeth, sydd wedi'i diwygio yn y set newydd o reoliadau.
3. Rhaid i weithgareddau fod yn weithgareddau wedi'u trefnu. Golyga hyn fod yn rhaid iddo gael ei drefnu gan un o'r canlynol:
 - busnes
 - corff cyhoeddus neu sefydliad elusennol, buddiannol, addysgol neu ddyngarol
 - clwb neu fudiad gwleidyddol, neu gorff llywodraethu cenedlaethol chwaraeon neu weithgarwch arall
4. Nid oes unrhyw gyfyngiadau ar deithio o fewn Cymru, dim cyfyngiadau sirol, sy'n golygu y gall pobl o wahanol siroedd yng Nghymru fynychu gweithgaredd. Fodd bynnag, cynghorir pobl i gadw at eu hardaloedd lleol lle'n bosibl ac osgoi teithio diangen.
5. Ni ellir yfed alcohol yn y digwyddiad/gweithgaredd.

Ysgrifennwyd gan Emma Waldron, Rheolwr Risg, Caffael a Llywodraethu, CGGC - 10 Gorffennaf 2020. Diweddarwyd: 26 Awst 2020, 6 Hydref 2020, 8 Tachwedd 2020

Rhaid i'r sawl sy'n trefnu'r gweithgaredd gynnal asesiad risg a fyddai'n bodloni gofynion [Rheoliad 3 Rheoliadau Rheoli Iechyd a Diogelwch yn y Gwaith 1999\(1\)](#). Hefyd, gweler [ASESIAD RISG](#) am ragor o wybodaeth.

Rhaid i'r sawl sy'n trefnu'r digwyddiad gydymffurfio â'r canllawiau a gyhoeddwyd gan Lywodraeth Cymru, gweler gov.wales/coronavirus.

Mae'r achosion o goronafeirws wedi cynyddu'n gyflym mewn rhai rhannau o Gymru a'r Deyrnas Unedig. Mae'n bwysig ein bod yn parhau i wneud popeth o fewn ein gallu i ddiogelu cymunedau rhag lledaeniad y coronafeirws, gan gynnwys dim ond teithio pan fo'n angenrheidiol.

Mae'n rhaid i ni ystyried y ffyrdd gorau o gyflawni ein gweithgareddau. Argymhella CGGC y dylai rheolwyr canolfannau cymunedol ystyried yn gyntaf a ellir gwneud y gweithgaredd yn ddigidol neu dros y ffôn. Os nad yw hyn yn bosibl, ystyriwch a all y gweithgaredd gael ei gynnal yn yr awyr agored (yn dibynnu ar y tywydd). Os nad yw'r un o'r opsiynau hyn yn bosibl, yna gan ystyried y risg bresennol i iechyd y cyhoedd, os ydych chi'n cwrdd dan do, mae'n rhaid i chi wasgaru'r sesiynau, dylech gadw'r sesiynau yn fyr a chynnwys cyn lleied â phosibl o bobl. Cynghorir unigolion i gyfyngu sawl gwaith y byddant yn cwrdd â phobl a nifer y bobl y byddant yn cwrdd â nhw.

Mae'r dystiolaeth yn dal yn glir mai'r ffordd fwyaf effeithiol o'ch amddiffyn eich hun ac eraill rhag yr haint yw dilyn y rheolau cadw pellter cymdeithasol, osgoi cyffwrdd ag arwynebau a'ch wyneb, a golchi'ch dwylo'n rheolaidd.

Mae nifer o newidiadau wedi'u gwneud i'r Rheoliadau Diogelu Iechyd (Cyfyngiadau Coronafeirws) (Cymru) 2020 ers yr ysgrifennwyd y ddogfen hon ym mis Gorffennaf 2020. Bydd newidiadau yn parhau, felly mae'n bwysig iawn sicrhau eich bod yn darllen y fersiwn ddiweddaraf. Bydd y rheoliadau cyfredol yn cael eu hadolygu erbyn 19 Tachwedd ac o leiaf unwaith rhwng 20 Tachwedd a 3 Rhagfyr 2020. Felly, dylech ddisgwyl newidiadau pellach.

Ysgrifennwyd gan Emma Waldron, Rheolwr Risg, Caffael a Llywodraethu, CGGC - 10 Gorffennaf 2020. Diweddarwyd: 26 Awst 2020, 6 Hydref 2020, 8 Tachwedd 2020

Mae'r rheoliadau hyn yn gosod nifer o gyfyngiadau ar fusnesau a gwasanaethau eraill, a rhaid i chi reoli'ch mudiad mewn modd sy'n cydymffurfio â'r rheoliadau hyn wrth iddynt gael eu diweddarau neu eu diwygio.

Mae'r canllaw hwn yn gywir ar adeg ei gyhoeddi ac rydym yn argymhell ei ddarllen ar y cyd â chanllawiau'r llywodraeth, y mae angen i chi edrych arnynt yn rheolaidd i gael yr wybodaeth ddiweddaraf. Yng Nghymru, gallwch fynd i'r gwefannau hyn i gael arweiniad: [Llywodraeth Cymru](#) ac [Iechyd Cyhoeddus Cymru](#). Dylech hefyd gyfeirio at ganllawiau a ddarperir gan yr [Awdurdod Gweithredol Iechyd a Diogelwch](#). I weld y rheoliadau eu hunain ac unrhyw ddiweddariadau neu newidiadau, gweler [yma](#).

Nid yw'r canllaw hwn yn gyngor cyfreithiol ac nid yw CGGC yn derbyn unrhyw atebolrwydd sy'n deillio ohono ac nid yw'n gyngor proffesiynol. Mae CGGC yn argymhell eich bod yn gwneud eich gwaith ymchwil eich hun ochr yn ochr â'r canllaw hwn i sicrhau eich bod wedi cymryd pob cam rhesymol i sicrhau diogelwch eich adeilad, eich staff, gwirfoddolwyr, cwsmeriaid a'r gymuned.

Os byddwch chi'n penderfynu agor eich canolfan gymunedol, dylech dim ond gwneud hynny pan fydd yn ddiogel i wneud hynny a phan fyddwch chi'n teimlo'n ddigon hyderus i allu amddiffyn defnyddwyr yr adeilad. Tan hynny dylai eich lleoliad aros ar gau.

Ystyriwch a oes cyfyngiadau lleol yn eu lle, a'r posibilrwydd o gyfyngiadau lleol yn y dyfodol.

Cofiwch, os bydd rhywun yn mynd yn sâl gyda pheswch parhaus newydd; tymheredd uchel; colli neu newid yn ei synnwyr arogli neu flasau arferol, dylid ei anfon adref a'i gynghori i ddilyn y cyngor i aros gartref.

CYNNWYS

MESURAU RHESYMOL.....	6
ASESU RISG	7
CADW PELLTER CORFFOROL/CYMDEITHASOL	8
ARWYDDION DIOGELWCH A CHADW PELLTER CORFFOROL.....	9
GLANWEITHDRA.....	9
GORCHUDDION WYNEB.....	10
PROFI, OLRHAIN, DIOGELU	11
AP COVID-19 Y GIG.....	12
YR UNIGOLYN/UNIGOLION CYFRIFOL.....	13
GORFODI.....	13
POBL AGORED I NIWED.....	13
GWIRFODDOLWYR.....	14
YSWIRIANT.....	14
YMDDIRIEDOLWYR A LLYWODRAETHU DA	15
CYMRYD ARCHEBION A THALU GYDAG ARIAN PAROD.....	15
CONTRACTAU A LLOGI CANOLFANNAU	16
GLANHAU	17
CYNNYRCH GLANHAU	18
CYFLENWADAU CYFARPAR DIOGELU PERSONOL (PPE).....	19
CYDRADDOLDEB.....	20
YR IAITH GYMRAEG.....	20
DEFNYDDIO'R LLEOLIAD AT DDEFNYDD GOFAL PLANT.....	21
SYMPTOMAU	21
CYSYLLTIADAU PELLACH.....	21

Gellir gweld canllawiau Llywodraeth Cymru ar ddefnyddio canolfannau cymunedol amlbwrpas [yma](#).

Ysgrifennwyd gan Emma Waldron, Rheolwr Risg, Caffael a Llywodraethu, CGGC - 10 Gorffennaf 2020. Diweddarwyd: 26 Awst 2020, 6 Hydref 2020, 8 Tachwedd 2020

Byddwch yn ymwybodol fod y rheoliadau'n parhau i newid a dylech sicrhau eich bod yn edrych ar llyw.cymru/coronafeirws-ar-gyfraith i gael yr wybodaeth ddiweddaraf.

Er bod rhai o'r cyfeiriadau allanol wedi'u creu ar gyfer gwahanol sectorau ac amgylcheddau gwaith, maen nhw wedi'u cynnwys oherwydd gallent hefyd fod yn berthnasol i'ch senario chi.

MESURAU RHESYMOL

At ddibenion lleihau'r risg o ddal neu ledaenu'r coronafeirws, rhaid i'r rheini sy'n gyfrifol a threfnydd y gweithgaredd gydymffurfio â'r gofynion sydd wedi'u nodi yn y rheoliadau. Mae'r mesurau rhesymol hyn yn cynnwys:

- **sicrhau y cedwir pellter o ddau fedr rhwng unrhyw unigolion ar y safle**, heblaw pan mae'r unigolion yn byw yn yr un cartref, neu'n ofalwr a'r unigolyn sy'n cael ei gynorthwyo gan y gofalwr
- **cadw pellter o 2 fedr rhwng unigolion pan mae angen iddyn nhw aros i ddod i mewn i'r safle**, heblaw pan mae'r unigolion yn byw yn yr un cartref, neu'n ofalwr a'r unigolyn sy'n cael ei gynorthwyo gan y gofalwr

Dylid cymryd pob cam arall rhesymol **i gyfyngu rhyngweithio wyneb yn wyneb a chynnal hylendid**. Mae'r enghreifftiau a ddarperir yn y rheoliadau yn cynnwys:

- newid trefn y ganolfan gan gynnwys lleoliad y dodrefn
- rheoli'r defnydd o fynedfeydd, tramwyfeydd, grisiau a lifftiau
- rheoli'r defnydd o gyfleusterau a rennir, fel toiledau a cheginiau
- rheoli'r defnydd o unrhyw ran arall o'r adeilad neu fynediad iddi
- gosod rhwystrau neu sgriniau
- darparu, neu ei gwneud yn ofynnol i ddefnyddio [Cyfarpar Diogelu Personol \(PPE\)](#)

Ysgrifennwyd gan Emma Waldron, Rheolwr Risg, Caffael a Llywodraethu, CGGC - 10 Gorffennaf 2020. Diweddarwyd: 26 Awst 2020, 6 Hydref 2020, 8 Tachwedd 2020

Yn ogystal, rhaid darparu gwybodaeth ar gyfer y rheini sy'n mynd i mewn i'r canolfannau cymunedol, fel [arwyddion diogelwch a chadw pellter corfforol](#).

Dyma fesurau eraill y dylech chi eu hystyried:

- peidio â chynnal gweithgareddau penodol. Er enghraifft, mae'r rheoliadau'n nodi na chaniateir digwyddiadau lle y caiff cerddoriaeth ei chwarae neu ei pherfformio am adloniant. Efallai y byddwch chi'n cael ceisiadau am weithgareddau o'r fath.
- cau rhan o'r safle

Rhaid i chi ganiatáu i'ch staff/gwirfoddolwyr ynysu yn unol â chais Gweinidogion Cymru/swyddog olrhain cysylltiadau.

Gweler yma am ganllawiau perthnasol Llywodraeth Cymru: llyw.cymru/cymryd-pob-mesur-rhesymol-i-leihaur-risg-o-ddod-i-gysylltiad-ar-coronafeirws-mewn-gweithleoedd

ASESU RISG

Cyn ailagor eich canolfan gymunedol, rhaid i chi gynnal asesiad risg Coronafeirws penodol yn ychwanegol at unrhyw asesiad risg a allai fod gennych ar waith eisoes. Dylai eich asesiad risg nodi risgiau uchel a nodi unrhyw gamau lliniaru y gallech eu rhoi ar waith. Dylech ystyried llunio amserlen i sicrhau y gallwch ailagor yn ddiogel. Mae'r canllawiau ar y Coronafeirws yn esblygu wrth i dystiolaeth newydd ddod i'r amlwg, felly dylai eich cynlluniau fod yn ddigon hyblyg i fod yn barod i addasu i unrhyw newidiadau.

Gallai cyhoeddi eich cynlluniau a'ch asesiad risg helpu i dawelu meddwl staff, gwirfoddolwyr, y cyhoedd a rhanddeiliaid a bydd yn nodi'r newidiadau a'ch disgwyliadau yn glir. Er enghraifft, newid o archebu'n bersonol i archebu ar-lein a pheidio â derbyn taliadau arian parod.

Ysgrifennwyd gan Emma Waldron, Rheolwr Risg, Caffael a Llywodraethu, CGGC - 10 Gorffennaf 2020. Diweddarwyd: 26 Awst 2020, 6 Hydref 2020, 8 Tachwedd 2020

Pan fydd gweithgaredd yn cael ei gynnal yn y ganolfan gymunedol, rhaid i'r sawl sy'n gyfrifol am drefnu'r gweithgaredd gwblhau a chynhyrchu asesiad risg ar gyfer y gweithgaredd hwnnw. Dylai'r sawl sy'n gyfrifol am y ganolfan dderbyn copi o'r asesiad hwnnw a bod yn fodlon fod y trefnydd wedi cydymffurfio â gofynion y rheoliadau er mwyn lleihau'r perygl y bydd mynychwyr yn dal yr haint.

Ewch [yma \(Saesneg yn unig\)](#) i weld templed penodol o asesiad risg Coronafeirws a'r canllawiau a gyhoeddwyd gan yr Awdurdod Gweithredol Iechyd a Diogelwch. Os yw cynnal asesiadau risg yn broses anghyfarwydd i chi, ewch [yma \(Saesneg yn unig\)](#) i weld enghreifftiau.

Cofiwch hefyd eich bod yn talu sylw arbennig i [Reoliad 3 Rheoliadau Rheoli Iechyd a Diogelwch yn y Gwaith 1999\(1\)](#), waeth a ydych chi'n destun i'r rheoliadau neu beidio.

Mae'n bwysig eich bod yn nodi fod y rheoliadau'n berthnasol i berchennog y ganolfan (y sawl sy'n llogi) a'r rheini sy'n cynnal y gweithgaredd (y llogwr).

CADW PELLTER CORFFOROL/CYMDEITHASOL

Mae mesurau cadw pellter corfforol/cymdeithasol yn gamau a gymerir i leihau rhyngweithio rhwng unigolion/cartrefi er mwyn lleihau trosglwyddiad y Coronafeirws. Mae'r mesurau cyfredol ar adeg ysgrifennu'r adroddiad hwn yn gosod pellter llym o ddau fetr (tua thri cham) rhwng pobl yn eich adeilad ac ar eich safle. Efallai y bydd derbyn pobl mewn niferoedd llai yn ei gwneud hi'n bosibl cynnal y pellter hwnnw.

Rhaid cymryd 'mesurau rhesymol' i sicrhau y gellir cyflawni hyn ac mae canllawiau pellach gan Lywodraeth Cymru ar gael [yma](#). Mae'r rhain yn cynnwys enghreifftiau fel gwasgaru shifftiau/gweithgareddau a lleihau nifer y bobl sydd yn yr adeilad ar unrhyw un adeg. Mae CGGC yn argymhell eich bod yn cadw manylion y camau rydych chi wedi'u cymryd i

Ysgrifennwyd gan Emma Waldron, Rheolwr Risg, Caffael a Llywodraethu, CGGC - 10 Gorffennaf 2020. Diweddarwyd: 26 Awst 2020, 6 Hydref 2020, 8 Tachwedd 2020

sicrhau bod 'mesurau rhesymol' wedi cael eu gweithredu a manylion yr addasiadau rydych chi wedi'u gwneud i gydymffurfio â'r gofyniad hwn.

Mae newid gosodiad adeiladau, rheoli'r defnydd o fynedfeydd, tramwyfeydd, grisiau a lifftiau, toiledau a cheginau, marciau llawr, llwybrau unffordd, clirio neu rwystro mynediad at ddodrefn, gosod ardaloedd dynodedig a systemau rheoli ciwiau diogel yn rhai o'r mesurau y gallech eu hystyried. Sylwch mai dim ond awgrymiadau o ddulliau posibl yw'r rhain ac nid ydynt yn rhestr wirio: mae pob lleoliad a senario yn wahanol.

ARWYDDION DIOGELWCH A CHADW PELLTER CORFFOROL

Mae Llywodraeth Cymru wedi creu nifer o arwyddion dwyieithog a allai fod yn ddefnyddiol i chi; mae modd eu gweld [yma](#). Gellir argraffu'r arwyddion hyn a'u harddangos yn eich adeilad. Mae opsiynau eraill ar gael o ran arwyddion, gan gynnwys amrywiaeth eang o bosteri, labeli ac arwyddion llawr: anfonwch e-bost at rpgenquiries@wcva.cymru os oes angen gwybodaeth arnoch am gyflenwyr.

Mae rheol cadw pellter o ddau fedr ar waith ar hyn o bryd: dylech farcio'r pellter hwn mewn lleoedd y byddai unigolion fel arfer yn ymgynnull, fel y fynedfa i leoliad.

GLANWEITHDRA

Dylech wneud trefniadau ar gyfer hylendid dwylo gwell er mwyn atal y risg o'r haint. Mae golchi eich dwylo â dŵr a sebon am o leiaf 20 eiliad yn helpu i ladd firysau a allai fod ar eich dwylo. Os nad oes dŵr a sebon ar gael, dylech ddarparu gel/hylif dwylo sy'n cynnwys alcohol. Mae golchi dwylo'n arbennig o bwysig wrth fynd i mewn neu allan o'r adeilad, ar ôl bod i'r toiled ac wrth symud o fewn gwahanol ystafelloedd/ leoliadau o fewn yr adeilad. Dylid defnyddio poster i annog unigolion i olchi eu dwylo. Gellid gosod cyfarwyddiadau ar sut i olchi dwylo ger sincipiau. Mae amrywiaeth o ddarluniau a phosteri ar gael, fel y rhai [yma](#).

Ysgrifennwyd gan Emma Waldron, Rheolwr Risg, Caffael a Llywodraethu, CGGC - 10 Gorffennaf 2020. Diweddarwyd: 26 Awst 2020, 6 Hydref 2020, 8 Tachwedd 2020

Dylech hefyd sicrhau bod digon o gyflenwadau a mynediad at sebon a dŵr, ac ystyried defnyddio biniau â chaead.

Bydd arferion anadlu ystyriol hefyd yn lleihau trosglwyddiad Coronafeirws. Dylai posteri 'Ei ddal, ei daflu, ei ddifa' fod yn weladwy i atgoffa unigolion i barhau â lefelau hylendid da. Gellir dod o hyd i bosteri dwyieithog y gellir eu hargraffu ar wefan Iechyd Cyhoeddus Cymru [yma](#).

GORCHUDDION WYNEB

Ar ddydd Llun 14 Medi, daeth yn ofyniad cyfreithiol i wisgo gorchuddion wyneb mewn adeiladau sydd ar agor i'r cyhoedd. Yr eithriad i hyn yw os yw'r unigolyn yn 10 oed neu'n iau neu os oes gan yr unigolyn esgus rhesymol dros beidio â gwisgo gorchudd wyneb.

Caiff Canolfan Gymunedol ei ystyried fel adeilad lle y mae'n rhaid i bobl wisgo gorchuddion wyneb. Efallai yr hoffech chi arddangos y poster [hwn](#) ar eich safle.

Efallai y bydd gan ymwelwyr i'ch adeilad rai cwestiynau ynghylch defnyddio gorchuddion wyneb. Gallai'r wybodaeth ganlynol fod o gymorth.

Diffinnir esgus rhesymol dros beidio â gwisgo gorchudd wyneb fel a ganlyn, pan fydd yr unigolyn:

- yn methu rhoi gorchudd ar ei wyneb neu'n methu gwisgo gorchudd wyneb oherwydd salwch corfforol neu feddyliol, neu oherwydd anabledd neu amhariad;
- gyda rhywun sy'n dibynnu ar wefusddarllen lle y mae angen iddo gyfathrebu; neu
- yn dianc rhag bygythiad neu berygl ac nid oes ganddo orchudd wyneb

Ysgrifennwyd gan Emma Waldron, Rheolwr Risg, Caffael a Llywodraethu, CGGC - 10 Gorffennaf 2020. Diweddarwyd: 26 Awst 2020, 6 Hydref 2020, 8 Tachwedd 2020

Argymhellir bod yr unigolyn yn cario gwybodaeth, lle'n bosibl, i ddangos pam fod ganddo esgus rhesymol, fel presgripsiwn neu lythyr apwyntiad o'r ysbyty. Gall yr unigolyn hefyd ddewis gwisgo laniard i ddangos ei bod wedi'i eithrio rhag gwisgo gorchudd wyneb - mae llawer o'r cynhyrchion hyn ar gael ar-lein. Fodd bynnag, dylai'r unigolyn sicrhau bod ganddo esgus rhesymol, neu fe allai wynebu dirwy am beidio â chydymffurfio â'r gofynion.

Dylid gwisgo gorchuddion wyneb ar bob adeg a rhaid eu gwisgo'n gywir. Fodd bynnag, gallai fod gan yr unigolyn esgus rhesymol dros dynnu'r gorchudd o'i wyneb **dros dro**. Dyma rai enghreifftiau:

- i gymryd meddyginiaeth
- i fwyta neu yfed
- i osgoi niwed neu anaf, naill ai i'r unigolyn ei hun neu i bobl eraill, fel i rybuddio rhywun arall o berygl

Os ydych chi'n defnyddio gorchudd wyneb ([gweler canllawiau Llywodraeth Cymru](#)) neu fasg, rhaid i chi beidio â'i dynnu i ffwrdd a'i adael ar arwynebau a rhaid i chi beidio â gadael gorchudd wyneb/masg o dan eich trwyn nac yn hongian o'ch gên. Mae'n bwysig eich bod yn ymwybodol o sut i wisgo a gofalu am eich gorchudd wyneb yn ddiogel, gweler [yma](#) am ganllawiau gan Lywodraeth Cymru.

PROFI, OLRHAIN, DIOGELU

Er mwyn rheoli lledaeniad y feirws, mae CGGC yn argymhell eich bod yn cadw cofnod o bawb sy'n dod i mewn i'ch adeilad, yn unol â strategaeth [Profi, Orlhain, Diogelu](#) Llywodraeth Cymru. Dylech hefyd sicrhau bod y rhai sy'n llogi'r lleoliad yn cadw cofnodion at yr un dibenion.

Sylwch nad yw Rheoliad ar Ddiogelu Data (hy GDPR, Deddf Diogelu Data 2018) yn atal rhannu data lle mae budd cyhoeddus o'r pwys mwyaf. Fodd bynnag, rhaid i chi sicrhau eich bod yn gwneud pob ymdrech i roi gwybod i unigolion sut bydd eu data'n cael eu defnyddio. Er enghraifft,

Ysgrifennwyd gan Emma Waldron, Rheolwr Risg, Caffael a Llywodraethu, CGGC - 10 Gorffennaf 2020. Diweddarwyd: 26 Awst 2020, 6 Hydref 2020, 8 Tachwedd 2020

cynlluniwch ar gyfer y tebygolrwydd y bydd rhaid i chi basio gwybodaeth unigolion ymlaen i'r cynllun Profi, Olrhain, Diogelu os bydd angen i swyddogion olrhain cysylltiadau gysylltu â nhw. Rydyn ni wedi cael ein hysbysu o achosion lle y mae unigolion sy'n gadael eu manylion ar gyfer Profi, Olrhain, Diogelu wedi cael rhywun yn cysylltu â nhw am resymau eraill. Ni chaniateir hyn. Mae'n bwysig eich bod yn gadael yr agwedd olrhain i'r tîm Profi, Olrhain, Diogelu. Sicrhewch hefyd nad yw manylion personol unigolion yn cael eu harddangos i bawb eu gweld.

Dylech adolygu'ch hysbysiadau preifatrwydd i sicrhau eu bod yn parhau i gydymffurfio gan ystyried y newidiadau mewn amgylchiadau. Os oes arnoch angen help i ddrafftio hysbysiad preifatrwydd, mae Swyddfa'r Comisiynydd Gwybodaeth (ICO) wedi llunio templed y gellir dod o hyd iddi [yma \(Saesneg yn unig\)](#).

Mae'r ICO hefyd wedi cynhyrchu rhai canllawiau defnyddiol ynglŷn â chasglu manylion cwsmeriaid ac ymwelwyr, sydd ar gael [yma \(Saesneg yn unig\)](#). Ewch [yma](#) hefyd i weld canllawiau Llywodraeth Cymru ar gadw cofnod o staff, cwsmeriaid ac ymwelwyr.

Noder ei fod, o dan y rheoliadau newydd, yn drosedd i roi gwybodaeth anghywir neu gamarweiniol i swyddog olrhain cysylltiadau.

AP COVID-19 Y GIG

Ar ddydd Iau 24 Medi, lanswyd ap COVID-19 y GIG yng Nghymru a Lloegr. Mae Llywodraeth Cymru yn annog mudiadau i arddangos posteri QR y GIG wrth fynedfeydd er mwyn i'r rheini sydd wedi lawrlwytho'r ap ddefnyddio'u ffonau i nodi ble maen nhw. Gellir cael rhagor o wybodaeth gan Lywodraeth Cymru [yma](#) a chanllawiau [yma](#).

I greu cod QR i arddangos ar eich adeilad, gweler [yma](#).

YR UNIGOLYN/UNIGOLION CYFRIFOL

Mae'r rheoliadau yn cyfeirio at amrediad o gyfrifoldebau sydd gan yr unigolion cyfrifol. Er eglurder, mae'r rheoliadau'n cynnwys y diffiniad canlynol:

'mae "person sy'n gyfrifol am gynnal busnes" yn cynnwys perchennog a rheolwr y busnes hwnnw'.

GORFODI

Yn ôl y rheoliadau, diffinnir swyddog gorfodi fel cwnstabl neu swyddog cymorth cymunedol yr heddlu neu unigolyn a ddynodir gan Weinidogion Cymru, awdurdod lleol, awdurdod Parc Cenedlaethol yng Nghymru neu Cyfoeth Naturiol Cymru. Gall y swyddog gorfodi:

- **Cyflwyno hysbysiad gwella lleoliad** pan mae sail resymol dros amau bod rhywun wedi torri gofyniad yn y rheoliadau
- **Mynd i mewn i'r lleoliad** pan mae sail resymol dros amau bod rhywun wedi torri gofyniad yn y rheoliadau
- **Cyflwyno hysbysiad cau lleoliad** pan na fydd y gofynion a amlinellir yn yr hysbysiad cydymffurfio wedi'u bodloni.

I gael rhagor o wybodaeth am orfodi, mae Llywodraeth Cymru wedi cyhoeddi canllawiau ar gyfer swyddogion gorfodi y gellir dod o hyd iddynt [yma](#).

POBL AGORED I NIWED

Mae dyletswydd statudol ar gyflogwyr i warchod iechyd, diogelwch a lles eu gweithwyr yn y gweithle cyn belled ag y bo hynny'n rhesymol ymarferol, yn ogystal â dyletswydd i ofalu amdanynt. Mae'n bwysig nodi y gallai cyfran sylweddol o'ch gweithwyr/gwirfoddolwyr fod yn dioddef straen a phryder yn ystod yr argyfwng hwn a dylech sicrhau bod cefnogaeth ar gael. Mae'r ymgyrch Sut wyt ti? gan Iechyd Cyhoeddus Cymru yn darparu adnoddau defnyddiol [yma](#).

Ysgrifennwyd gan Emma Waldron, Rheolwr Risg, Caffael a Llywodraethu, CGGC - 10 Gorffennaf 2020. Diweddarwyd: 26 Awst 2020, 6 Hydref 2020, 8 Tachwedd 2020

Efallai fod rhai unigolion yn poeni eu bod mewn mwy o risg o ddatblygu symptomau mwy difrifol os byddant yn dod i gysylltiad â'r Coronafeirws. Yn yr achosion hyn, mae CGGC yn eich cynghori chi i gynnal asesiad risg penodol gan ddefnyddio'r adnodd hwn: [Asesiad Risg Covid-19 ar gyfer y Gweithlu](#). Er ei fod wedi cael ei ddylunio ar gyfer staff iechyd a gofal cymdeithasol, mae modd ei ddefnyddio yn unrhyw weithle. Mae'n rhoi canllawiau defnyddiol iawn i'r unigolyn a'r cyflogwr. Mae rhagor o wybodaeth am yr adnodd ar gael [yma](#).

Dylech hefyd fod yn ymwybodol o'r unigolion y nodir eu bod mewn [mwy o berygl o'r coronafeirws](#), oherwydd fe gynghorir y grŵp hwn i dalu sylw penodol i'r canllawiau ar [gadw pellter cymdeithasol a hylendid dwylo](#).

Mae gwefan Cymru Iach ar Waith yn cynnwys gwybodaeth a chyngor defnyddiol i gefnogi cyflogwyr a chyflogeion. Gellir dod o hyd i hyn [yma](#).

Mae Llywodraeth Cymru hefyd yn annog unigolion i weithio o gartref lle bynnag y bo'n bosibl, gan nodi, 'Ni ddylid gofyn na rhoi pwysau ar staff i ddychwelyd i weithle os nad oes achos busnes clir dros wneud hynny'. Gweler [yma](#) am ragor o wybodaeth.

GWIRFODDOLWYR

Mae'n ddyletswydd ar fudiadau i ofalu am wirfoddolwyr, ac fe ddylent dderbyn yr un lefel o warchodaeth ag unrhyw gyflogai. Gweler [yma](#) i gael rhagor o wybodaeth gan CGGC ac i weld y canllawiau hyn ar [wirfoddoli ar ôl y cyfyngiadau symud \(Saesneg yn unig\)](#).

YSWIRIANT

Mae'n bwysig iawn rhoi gwybod i'ch cwmni yswiriant am eich gweithgareddau. Bydd eich cwmni yswiriant yn gofyn i chi ddilyn a chydymffurfio â'r holl argymhellion a chanllawiau a gyhoeddir gan Lywodraeth Cymru. Bydd angen i chi hysbysu'ch cwmni yswiriant y byddwch chi'n aildechrau gwasanaethau, a thrafod unrhyw ofynion

Ysgrifennwyd gan Emma Waldron, Rheolwr Risg, Caffael a Llywodraethu, CGGC - 10 Gorffennaf 2020. Diweddarwyd: 26 Awst 2020, 6 Hydref 2020, 8 Tachwedd 2020

newydd y mae'n rhaid i chi eu hystyried er mwyn sicrhau eich bod yn cydymffurfio â'ch polisi yswiriant.

Mae broceriaid Thomas Carroll wedi cynhyrchu canllawiau ar gyfer mudiadau sy'n ailddechrau eu gwasanaethau, ac maen nhw i'w gweld [yma](#) and [yma](#).

YMDDIRIEDOLWYR A LLYWODRAETHU DA

Mae gan ymddiriedolwyr rôl bwysig i'w chwarae a rhaid i chi weithredu i leihau'r potensial o ledaenu'r Coronafeirws ymhlith unigolion yn eich adeilad ac ar eich safle. Rhaid i chi gadw'r holl ddogfennau ar asesiadau a wnaed a chofnodi'r holl benderfyniadau a wnaed.

O ran trefniadau llywodraethu yn ystod y pandemig hwn, cynghorir ymddiriedolwyr i gyfarwyddo'u hunain â'r [canllawiau \(Saesneg yn unig\)](#) sydd ar gael gan y Comisiwn Elusennau, a chadw i'r funud â newidiadau a newyddion diweddaraf. Er enghraifft, ym mis Mehefin 2020, cynhyrchodd y Comisiwn Elusennau ganllawiau ar adrodd digwyddiadau difrifol yn ystod pandemig y coronafeirws. Gellir cael rhagor o wybodaeth [yma \(Saesneg yn unig\)](#).

Efallai y bydd yn rhaid i chi addasu natur eich gwasanaethau oherwydd achosion o'r Coronafeirws. Os felly, cyfeiriwch at eich amcanion elusennol yn eich dogfennau llywodraethu i sicrhau bod unrhyw wasanaethau newydd yn unol â'ch amcanion.

CYMRYD ARCHEBION A THALU GYDAG ARIAN PAROD

Lle bo modd, dylech geisio cymryd archebion ar-lein neu dros y ffôn. Lle nad yw hyn yn bosibl, dylech osgoi trin arian parod ac ystyried taliadau digyswllt, cerdyn neu ar-lein. Os oes rhaid i chi barhau i gymryd arian parod, yna dylid gwisgo menig wrth drin arian.

Ysgrifennwyd gan Emma Waldron, Rheolwr Risg, Caffael a Llywodraethu, CGGC - 10 Gorffennaf 2020. Diweddarwyd: 26 Awst 2020, 6 Hydref 2020, 8 Tachwedd 2020

CONTRACTAU A LLOGI CANOLFANNAU

Mae'n bwysig ymgynghori â'r rhai sy'n llogi'ch canolfan, yn enwedig y rhai sy'n llogi slotiau rheolaidd. Efallai, er enghraifft, bod angen ystafell fwy nag arfer arnynt er mwyn cadw at fesurau cadw pellter cymdeithasol.

Dylech hefyd ystyried a yw'n ofynnol i'r sawl sy'n llogi'r lleoliad lanhau arwynebau ac offer, neu a yw hyn yn rhywbeth y byddwch chi'n ei reoli. Rhaid i chi fod yn hyderus bod y glanhau yn cael ei wneud i'r lefel uwch sydd bellach yn ofynnol a bod yr unigolion yn cyflawni'r gofynion trylwyr ac yn dilyn canllawiau ar lanhau.

Argymhellir eich bod yn darparu hylif/gel/hylif diheintio ag alcohol wrth fynedfeydd/allanfeydd ac mewn ystafelloedd cyfarfod. Dylech hefyd gofnodi'r amser a'r dyddiad diwethaf y cafodd y lleoliad ei lanhau ac ystyried ei arddangos i dawelu meddwl ymwelwyr eich canolfan.

Dylech roi blaenoriaeth i wasanaethau hanfodol yn ystod y cam ailagor. Lle mae gan y ganolfan nifer o archebion, efallai y bydd angen i chi adael cyfnod hirach o amser rhwng yr archebion er mwyn gallu glanhau ac atal tagfeydd rhag ffurfio wrth i bobl fynd i mewn ac allan o ystafelloedd/yr adeilad. Dylech hefyd sicrhau bod cyflenwadau'n cael eu hail-lenwi, fel hylif diheintio a deunyddiau glanhau.

Dylech roi amodau newydd i bobl sy'n llogi'r adeilad yn sgil y Coronafeirws, yn ysgrifenedig ac ynghlwm wrth y cytundeb llogi arferol. Rhaid i logwyr dderbyn yr amodau newydd yn ysgrifenedig (trwy lofnod). Mae CGGC yn trafod â [Chyfreithwyr Dolmans \(Saesneg yn unig\)](#) ar hyn o bryd, ac maen nhw wedi bod yn ddigon caredig i gytuno i baratoi telerau ac amodau drafft y gall mudiadau eu defnyddio. Mae'r newidiadau rheolaidd mewn rheoliadau wedi golygu ei fod wedi cymryd yn hirach na'r disgwyl, ond bydd y rhain ar gael cyn gynted â phosibl. Pan fydd y rhain ar gael, fe wnawn ni roi gwybod i chi yn ein cylchlythyr COVID-19.

Ysgrifennwyd gan Emma Waldron, Rheolwr Risg, Caffael a Llywodraethu, CGGC - 10 Gorffennaf 2020. Diweddarwyd: 26 Awst 2020, 6 Hydref 2020, 8 Tachwedd 2020

Gallwch gofrestru i gael y cylchlythyr [yma](#). Byddwn yn hysbysebu'r rhain hefyd ar ein gwefan ac ar gyfryngau cymdeithasol pan fyddant ar gael.

Dylech ddarparu copi o'ch asesiad risg i'ch llogwyr. Yn ogystal, rhaid i chi gael copi o asesiad risg y sawl sy'n llogi'r lle.

Dylid annog y rhai sy'n llogi'ch canolfan i ddod â'u bwyd a'u diod eu hunain yn hytrach na gwneud bwyd a diod yn yr adeilad, gan leihau'r glanhau sy'n ofynnol yn y gegin. Dylid annog llogwyr sy'n dod â'u hoffer eu hunain i mewn i ddefnyddio eu hylif diheintio a'u thywelion gwlyb eu hunain.

Dylid annog agor drysau a ffenestri i awyru'r ganolfan yn hytrach nag awyru mecanyddol, ond cofiwch am oblygiadau iechyd, diogelwch a sicrwydd. Rhaid i ddrysau tân aros ar gau.

Ni ddylid defnyddio ffaniau sy'n ailgylchu aer. Mae rhagor o wybodaeth ar gael [yma](#).

GLANHAU

Mae'n debygol iawn bod eich adeilad wedi bod ar gau ers cryn amser ac felly dylech gynnal gwiriad iechyd a diogelwch cyffredinol cyn ailagor. Mae risg uwch o dwf bacteria, er enghraifft clefyd y lleng filwyr, oherwydd bod dŵr wedi bod yn llonydd. Dylech wneud gwaith glanhau dwfn a diheintio'r adeilad yn drylwyr cyn ailagor. Mae Scouts Cymru wedi llunio rhestr wirio ddefnyddiol iawn, y gellir ei gweld [yma \(Saesneg yn unig\)](#) a'i defnyddio ochr yn ochr â chanllawiau'r llywodraeth, nid yn eu lle.

Dylid rhoi protocolau glanhau ar waith: bydd angen i chi benderfynu pa mor aml y dylid glanhau/dihalogi'n rheolaidd a bydd hyn yn seiliedig ar eich asesiad risg. Dylech hefyd gofnodi pryd gafodd y lle ei lanhau ac arddangos y manylion. Os nad ydych chi'n trosglwyddo'r dyletswyddau glanhau i'r llogwyr, bydd angen i chi sicrhau bod gan yr unigolyn sy'n

Ysgrifennwyd gan Emma Waldron, Rheolwr Risg, Caffael a Llywodraethu, CGGC - 10 Gorffennaf 2020. Diweddarwyd: 26 Awst 2020, 6 Hydref 2020, 8 Tachwedd 2020

gyfrifol, ee y gofalwr, amserlen glir o'r sesiynau sydd wedi'u llogi a bod digon o amser yn cael ei ddyrannu ar gyfer dyletswyddau glanhau.

Wrth ystyried eich trefniadau glanhau, dylech gyfeirio at y canllawiau sydd ar gael gan yr Awdurdod Gweithredol Iechyd a Diogelwch, a amlinellir [yma \(Saesneg yn unig\)](#). Dylech nodi arwynebau sy'n cael eu cyffwrdd yn aml fel dolenni drysau, switsys golau, ac ati, oherwydd bydd angen glanhau'r rhain yn fwy rheolaidd nag arfer, yn ogystal ag atgoffa pobl i olchi eu dwylo. Mae'r canllaw yn awgrymu dau ddull glanhau: glanhau dwfn a glanhau cyfnodol. Mae hefyd yn awgrymu eich bod yn cyfyngu symudiadau ac yn lleihau'r angen i bobl gyffwrdd â gwrthrychau ac mae'n cynnwys rhai awgrymiadau defnyddiol. Lle bo modd, dylech gael gwared ar gylchgronau a llenni a deunyddiau.

Lle bo unigolyn yn dangos symptomau'r coronafeirws neu wedi cael canlyniad positif i'r prawf, rhaid rhoi gwastraff mewn bag sbwriel plastig a'i glymu pan fo'n llawn, wedyn ei roi mewn bag bin arall a chlymu hwnnw, wedyn ei rhoi mewn cynhwysydd gwastraff priodol a diogel am o leiaf 72 awr cyn iddo gael ei gasglu gyda'r gwastraff arferol.

Os nad yw'r unigolyn yn dangos symptomau'r coronafeirws nac wedi cael canlyniad positif i'r prawf, does dim angen i chi ddioli gwastraff a gallwch gael gwared â gwastraff fel arfer.

Nodwch fod yn rhaid glanhau dyfeisiau symudol hefyd. Mae rhagor o wybodaeth ar gael [yma \(Saesneg yn unig\)](#).

Mae'r canllaw hwn ar [ddihalogi mewn lleoliadau nad ydynt yn rhai gofal iechyd \(Saesneg yn unig\)](#) yn darparu rhagor o wybodaeth ddefnyddiol.

CYNNYRCH GLANHAU

Yn anochel bydd mwy o alw am gynhyrchion glanhau a hylif diheintio dwylo. Os na all eich cyflenwr arferol eich cynorthwyo, anfonwch e-bost

at rpgenquiries@wcva.cymru os oes angen gwybodaeth am gyflenwyr arnoch chi.

I gael gwybodaeth am ddewis diheintyddion arwyneb, darllenwch [hwn \(Saesneg yn unig\)](#) gan yr Awdurdod Gweithredol Iechyd a Diogelwch.

CYFLENWADAU CYFARPAR DIOGELU PERSONOL (PPE)

Mae cyfarpar diogelu personol (PPE) yn cynnwys eitemau fel masgiau wyneb, ffedogau, menig, feisorau, gorchuddion esgidiau, ac ati. Mae cynnydd yn y galw am gyfarpar diogelu personol ers y Coronafeirws wedi gweld llawer iawn o gynhyrchion ffug a chynhyrchion nad ydynt yn cydymffurfio yn dod i mewn i'r farchnad, mae'n hanfodol eich bod yn prynu cynhyrchion sydd wedi'u hardystio'n gywir yn unig.

Efallai na fydd angen cyfarpar diogelu personol ar eich mudiad, a dylid dod i benderfyniad am hyn drwy eich asesiad risg a'r canllawiau diweddaraf sydd ar gael. Mae Iechyd Cyhoeddus Cymru yn cynghori nad oes unrhyw ofyniad i ddefnyddio cyfarpar diogelu personol, ac eithrio wrth ddarparu gofal personol/clinigol uniongyrchol o fewn dau fetr neu ble na ellir osgoi bod o fewn dau fetr i unigolyn. Mae gwybodaeth bellach a mwy manwl ar gael [yma \(Saesneg yn unig\)](#) ac [yma \(Saesneg yn unig\)](#).

Os dewch i'r casgliad bod yn rhaid i'ch mudiad gael cyfarpar diogelu personol, mae'n bwysig nodi bod yn rhaid i chi sicrhau eich bod yn gwybod sut i ddefnyddio'r cyfarpar er mwyn iddo fod yn effeithiol. Ni fydd yn atal yr haint rhag lledaenu oni bai ei fod:

- yn cael ei ddefnyddio a'i newid ar yr amser iawn
- yn mynd law yn llaw â hylendid dwylo da, a
- bod arferion anadlu ystyriol ar waith

Ysgrifennwyd gan Emma Waldron, Rheolwr Risg, Caffael a Llywodraethu, CGGC - 10 Gorffennaf 2020. Diweddarwyd: 26 Awst 2020, 6 Hydref 2020, 8 Tachwedd 2020

Os ydych chi'n defnyddio menig a ffedogau er enghraifft, cofiwch mai eitemau untro yn unig yw'r rhain. Dylid golchi dwylo neu ddefnyddio gel rhwng defnyddwyr gwasanaeth **ac** ar ôl tynnu menig.

Mae hunan-halogi yn gyffredin iawn wrth dynnu cyfarpar diogelu personol. Mae canllawiau ar wisgo a thynnu cyfarpar diogelu personol ar gael [yma \(Saesneg yn unig\)](#).

Os byddwch chi'n cael unrhyw anawsterau dod o hyd i PPE, anfonwch e-bost at rpgenquiries@wcva.cymru. I fudiadau'r sector cyhoeddus, cysylltwch ag NPSCorporateServices@gov.wales.

CYDRADDOLDEB

Rhaid i'ch strategaeth i ailddechrau gwasanaethau gydnabod anghenion a hawliau unigolion. Er enghraifft, ni ddylai unrhyw rwystrau corfforol, rhwystrau cyfathrebu newydd ac ati greu rhwystr i bobl sy'n defnyddio ffyn cerdded neu gadeiriau olwyn, dylent fod yn weladwy ac yn glir ac ni ddylent fod yn berygl i bobl â nam ar eu synhwyrau. Gallech hefyd ystyried, er enghraifft, darparu bag gerllaw i gael gwared ar hancesi papur ar unwaith lle gallai fod angen cymorth ar unigolion sy'n peswch neu disian.

YR IAITH GYMRAEG

Er bod Comisiynydd y Gymraeg yn cydnabod yn ystod argyfwng cenedlaethol ei bod yn bosibl nad yw rhai mudiadau'n gallu cynnig gwasanaeth Gymraeg ym mhob sefyllfa, rhaid i chi gydymffurfio â gofynion Mesur y Gymraeg o hyd. Hefyd, mae'n bwysig cynnwys hyn fel rhan o'ch cynllunio, er enghraifft, sicrhau bod arwyddion yn ddwyieithog. I gael gwybodaeth am wasanaethau a chynigion yn ymwneud â'r Gymraeg, gweler [yma](#).

DEFNYDDIO'R LLEOLIAD AT DDEFNYDD GOFAL PLANT

Dylai canolfannau sy'n darparu gofal plant neu wasanaeth meithrinfa ddilyn y canllawiau perthnasol sydd ar gael gan Lywodraeth Cymru [yma](#).

SYMPTOMAU

Cofiwch os byddwch yn datblygu un o'r symptomau canlynol:

- tymheredd uchel: mae hyn yn golygu eich bod yn teimlo'n boeth ar eich brest neu'ch cefn (nid oes angen i chi fesur eich tymheredd)
- peswch newydd, parhaus: mae hyn yn golygu peswch llawer am fwy nag awr, neu dri phwl o beswch neu ragor mewn 24 awr (os oes gennych chi beswch fel arfer, gallai fod yn waeth nag arfer)
- colli'ch synnwyr arogli neu flasau neu newid yn y synhwyrau hyn: mae hyn yn golygu eich bod wedi sylwi nad ydych chi'n gallu arogli neu flasau unrhyw beth, neu fod pethau'n arogl'n wahanol i'r arfer

Dylech ddilyn y [canllawiau hunanynysu](#) a gwneud cais am [brawf coronafeirws](#).

CYSYLLTIADAU PELLACH

Mae gan bob sir wahanol drefniadau cymorth. Os oes gennych chi eisoes gyswllt yn eich awdurdod lleol a/neu gyngor gwirfoddol sirol, argymhellir eich bod yn cadw mewn cysylltiad rheolaidd ag ef i gael cymorth ymarferol a chlywed am newidiadau i'r rheoliadau a chanllawiau.

Mae manylion cyswllt ar gael [yma](#) ar gyfer awdurdodau lleol ac [yma](#) ar gyfer y cyngorau gwirfoddol sirol lleol.

Mae'r canllawiau hyn wedi'u llunio gan Gyngor Gweithredu Gwirfoddol Cymru (CGGC) mewn ymateb i ymholiadau gan y sector gwirfoddol yng Nghymru. Gyda diolch i Lywodraeth Cymru, Cymdeithas Llywodraeth

Ysgrifennwyd gan Emma Waldron, Rheolwr Risg, Caffael a Llywodraethu, CGGC - 10 Gorffennaf 2020. Diweddarwyd: 26 Awst 2020, 6 Hydref 2020, 8 Tachwedd 2020

**Leol Cymru (CLLC), Un Llais Cymru, Scouts Cymru a Chymdeithas
Mudiadau Gwirfoddol Ceredigion am eu cymorth, eu cefnogaeth a'u
cyfraniadau.**

Ysgrifennwyd gan Emma Waldron, Rheolwr Risg, Caffael a Llywodraethu, CGGC - 10
Gorffennaf 2020. Diweddarwyd: 26 Awst 2020, 6 Hydref 2020, 8 Tachwedd 2020